

„ეს დეკლარაცია მორალური კოდექსი უნდა გახდეს“

2010 წლის ადგილობრივი თვითმმართველობის არჩევნებამდე ორი დღით ადრე, 28 მაისს, აჭარის ხუთ მუნიციპალიტეტში (ხულო, შუაბევი, ქედა, ხელვაჩაური, ქობულეთი) ახალგაზრდა მეცნიერთა კავშირ „ინტელექტის“ წარმომადგენლები საკრებულოს წევრობის მაჟორიტარ კანდიდატებს შეხვედნენ და „კარგი მმართველობის დეკლარაცია“ წარუდგინეს. აღნიშნული დეკლარაცია პროექტის „ჩვენი არჩევანი – რეალური თვითმმართველობა“ პირველი ეტაპის დასასრულს წარმოდგენდა.

„კარგი მმართველობის დეკლარაცია“ შემუშავდა პროექტის პირველი ეტაპის დასასრულს. ეს ეტაპი მოიცავდა ფართომასშტაბიანი საგანმანათლებლო კამპანიის ჩატარებას ხულოს, შუაბევის, ქედის, ხელვაჩაურისა და ქობულეთის 63 თემში მოსახლეობის ინფორმირებულობის დონის ამაღლებისთვის ისეთ საკითხებში, როგორცაა: საარჩევნო კანონმდებლობა, საარჩევნო პროცედურები, თვითმმართველობის შესახებ კანონმდებლობის, საკრებულოს წევრის ფუნქციების, თემის ინტერესების დაცვის საშუალებების შესახებ.


ინფორმირებული, თავის უფლებებსა და მოვალეობებში კარგად გარკვეული მოსახლეობა უდავოდ გრძნობს თავის პასუხისმგებლობას არჩევნების შედეგებზე, ანუ ვის აძლევს თავის ხმას და რას მოელოს მისგან საკრებულოში არჩევის შემთხვევაში.

ანალოგიურად, თავისი წილი პასუხისმგებლობისა უნდა იკისროს საკრებულოს წევრობის კანდიდატებმაც, რომლებიც აპირებენ გახდნენ საკრებულოს წევრები. სწორედ ამ მიზნით შემუშავდა „კარგი მმართველობის დეკლარაცია“. დეკლარაციაში ჩამოყალიბებულია ის ძირითადი პრინციპები, რომლებსაც უნდა ეყრდნობოდეს საკრებულოს საქმიანობა – აცხადებს „ინტელექტის“ გამგეობის თავმჯდომარე და პროექტის დირექტორი – ლევან გობაძე.

ხუთივე მუნიციპალიტეტში მაჟორიტარობის ზოგიერთმა კანდიდატმა შეხვედრაზე დასწრება არ ისურვა, თუმცა მიზეზებზე არც ერთ მათგანს არ უსაუბრია.

დეკლარაციაში მოყვანილ პრინციპებს: საკრებულოს წევრად არჩევის შემთხვევაში უზრუნველყონ ადგილობრივი თვითმმართველობის ორგანოების საქმიანობის საჯაროობა, ჩამოყალიბონ მოსახლეობის მომსახურების ეფექტური სისტემები, ხელი შეუწყონ გადაწყვეტილების მიღების პროცესში მოსახლეობის ჩართულობის ზრდას, ბიუჯეტების ფორმირების, დამტკიცების და განკარგვის პროცესები გახადონ მაქსიმალურად გამჭვირვალე და დაეფუძნოს მოსახლეობის რეალურ მოთხოვნებს, ხელი შეუწყონ მუნიციპალიტეტების ეკონომიკურ განვითარებას და სხვა, მხარი ყველა პარტიის მაჟორიტარმა კანდიდატმა დაუჭირა და დეკლარაციას ხელი საჯაროდ მოაწერა.

„ქრისტიან-დემოკრატიული გაერთიანების“ მაჟორიტარობის კანდიდატი ხელვაჩაურის მუნიციპალიტეტში რუსლან ბარამიძე: „დღევანდელი შეხვედრა წინასწარჩევნო კამპანიის კარგი დაგვირგვინება იყო. მაღლობა „ინტელექტის“, რომ აქტიურად მუშაობს ადგილობრივი თვითმმართველობის პრობლემებზე, მუშაობს იმისათვის, რომ პიროვნებებს, რომლებსაც აქვთ პრეტენზია თვითმმართველობის ორგანოებში არჩეულები იყვნენ, ნათლად და კარგად ჰქონდეთ გააზრებული, თუ რა და როგორ უნდა გააკეთონ იმისათვის, რომ მათი საქმიანობა წარმატებული იყოს. წარმოდგენილი დეკლარაცია, რომელსაც ხელი მოვანერეთ შეხვედრაზე მყოფმა სხვადასხვა პარტიების წარმომადგენლებმა, წარმოადგენს



მაჟორიტარობის კანდიდატები ხელს აწერენ კარგი მმართველობის დეკლარაციას



ერთგვარ ეთიკურ და მორალურ ნორმებს, რომელსაც მე, პირადად, დავიცავ-მეთქი, ტყუილი იქნება, რადგან ყოველთვის ვცდილობ, ამ პრინციპებს არ გადავუხვიო.“

„დეკლარაციის პრინციპებს მხარს ვუჭერთ. დარწმუნებული ვარ, რომ კანდიდატები, რომლებმაც ხელი მოაწერეს დეკლარაციას და რომლებიც „ალიანსი საქართველოსთვის“ მაჟორიტარები არიან, საკრებულოში მოსვლის შემთხვევაში გათვალისწინებენ ამ პრინციპებს“ – განაცხადა „ალიანსი საქართველოსთვის“ მაჟორიტარობის კანდიდატმა ქობულეთის მუნიციპალიტეტში – ივრი გუგუნავამ.

„პირველ რიგში მინდა ვთქვა, რომ ინტელექტი კარგ საქმეს აკეთებს, მის მხარდაჭერას და თვითმმართველობის საკითხებით დაინტერესებას, მე როგორც საკრებულოს წევრი, ყოველთვის ვგრძნობდი. „ინტელექტი“ ზრუნავს თვითმმართველობის გაძლიერებისათვის. დეკლარაცია არის ერთგვარი ვალდებულების აღება, რისი გაკეთებაც მომავალში, საკრებულოს წევრად არჩევის შემთხვევაში მოუწევს ნებისმიერ კანდიდატს. დეკლარაციაში მოყვანილი საკითხების გაფორმება და ხელის მოწერა, თვალსაჩინოებისათვის მისასაღებელია. სამომავლოდ, პირადად მე, პირობას ვდებ, რომ თუ ისევ არჩეული ვიქნები საკრებულოს წევრად, ვიზრუნებ დეკლარაციაში მოცემული პუნქტების შესრულებაზე“ – განაცხადა

და „ალიანსი საქართველოსთვის“ მაჟორიტარი დეპუტატობის კანდიდატმა ხელვაჩაურის მუნიციპალიტეტში – ავთანდლ ბერიძემ.

„ნაციონალური მოძრაობის“ მაჟორიტარობის კანდიდატის – ცისანა ბარამიძის აზრით: „ეს შესანიშნავი დეკლარაცია, ნებისმიერი საკრებულოს წევრის „მორალური კოდექსი“ უნდა გახდეს. საკრებულოს ნებისმიერმა წევრმა, თუ მას სურს წარმატებულად იმუშაოს, სწორედ აღნიშნული დეკლარაციით უნდა იხელმძღვანელოს. ვფიქრობ, დეკლარაცია სამომავლოდ საზოგადოებასაც დაეხმარება, შეაფასოს საკრებულოს მუშაობა“.

„ნაციონალური მოძრაობის“ მაჟორიტარობის კანდიდატი ხულოს მუნიციპალიტეტში ასლან ტუნაძე კარგი მმართველობის დეკლარაციის შედგენას დადებითად აფასებს: „აბსოლუტურად ვეთანხმები ამ პრინციპებს, რაც აქ არის მოცემული. თუ ჩემს თემში მოსახლეობა მხარს დამიჭერს და ხულოს მუნიციპალიტეტის საკრებულოს წევრი გავხდები, შევეცდები, ყველა მათგანი გამოვიყენო პრაქტიკაში.“

„ქრისტიან-დემოკრატიული მოძრაობის“ ხელმძღვანელი ხულოს მუნიციპალიტეტში – კახა მელაძე მიიჩნევს, რომ მაჟორიტარი კანდიდატისთვის ერთი ამომრჩევლის ხმა უფრო მნიშვნელოვანია, ვიდრე კარგი მმართველობის დეკლარაციაზე ხელის მოწერა. თუმცა შეხვედრაზე მათი პარტიის მაჟორიტარობის კანდიდატები პირველები მოვიდნენ და არც კარგი მმართველობის დეკლარაცია დაუწუნებიათ, რაც ხელის მოწერითაც დადასტურეს.

„ღმერთო, ისა ნუ წაახდენ ადამიანს, რომ თავისი მსგავსნი არსება სძულდეს...“



დავით სამიძე

დავით სამიძე გეოგრაფიის და იურისტიკის პროფესორია ერთ-მანეთს უთავსებს, მაგრამ საქმე, რომელიც არასდროს მოზრუნდება, სამეცნიერო საქმიანობა, ლექსების წერა და კითხვაა. ყოფილა შემთხვევა, როდესაც საყვარელი საქმის საკეთებლად 14 საათი შეუწყვეტილი მჯდარა კომპიუტერთან...

ბოლო დროს საყვარელი საქმის კეთება დროებით გადადო და „ინტელექტის“ მიერ წამოწყებულ საინფორმაციო-საგანმანათლებლო კამპანიაში ჩაერთო. საკუთარ თემში – პირველ მაისში თანასოფელელებს საარჩევნო და ადგილობრივი თვითმმართველობის საკითხებზე ესაუბრა. „განსაკუთრებით საინტერესო იყო ხალხთან ურთიერთობა. მართალია, მე ვიყავი მოსახლეობაში საგანმანათლებლო შეხვედრის ჩასატარებლად მისული, მაგრამ ბევრი რამ ხალხისაგანაც ვისწავლე. იმდენი სიტუაცია და ცურადლება მივიღე, რომ ალბათ, დიდხანს ვამყვება. აქტიური ადამიანი ვარ. მიყვარს ადამიანებთან ურთიერთობა, მაგრამ არა ჩემი ინიციატივით, თუ ვინმე ისურვებს ჩემთან ურთიერთობას, ყოველთვის თანახმა ვარ“.

დავით სამიძე სოფელ პირველ მაისში დაიბადა. სკოლაც აქვე დაამთავრა, რომლის წარჩინებულად დასრულების შემდეგ გადაწყვიტა სწავლა უნივერსიტეტში გაეგრძელებინა, პირველი ცდა წარუმატებელი აღმოჩნდა, მეორე ცდაზე კი ჩააბარა. გეოგრაფიის ბაკალავრის ხარისხის მიღების შემდეგ ისევ გადაწყვიტა, რომ აქ არ უნდა გაჩერებულიყო და სწავლა

სამართალმცოდნეობის განხრით გააგრძელა, პარალელურად სწავლობდა მაგისტრატურაში, დღეისათვის უმუშევარია და ბევრი დრო აქვს იმისთვის, რომ საყვარელი საქმე აკეთოს...

პროფესორ მურმან გორგოძესთან ერთად არის წიგნის – „იურიდიული გეორაფია“ თანაავტორი, რომელიც 2008 წელს გამოვიდა და საქართველოს მასშტაბით გაიყვანა. აღნიშნულმა წიგნმა დიდი მოწონება დაიმსახურა სპეციალისტების მხრიდან. ამჟამად, ისევ მურმან გორგოძესთან ერთად, მუშაობს წიგნზე: „საქართველოს კონსტიტუციაში არსებულ ტერმინთა განმარტებითი ლექსიკონი“, თუმცა წიგნის სათაურს შეცვლიან თუ არა, საბოლოოდ არ აქვთ გადაწყვეტილი.


ლექსების წერა 5 წლისამ დაიწყო. პირველი ლექსი, რომელიც 9 აპრილის მოვლენებს მიუძღვნა, მშობლებმა ვერ შეუნახეს. ახლა სათუთად ინახავს თავის „გულის ძახილს“, თუმცა ჯერ არ უცდია ფართო საზოგადოებისთვის გაეცნო. იქნებ ჩვენ აღმოვჩნდეთ პირველები, ვინც მის შესახებ დანერს...

ძირითადად სიყვარულზე წერს, თუმცა მიძღვნილი ხასიათის ლექსებიც აქვს: განსაკუთრებით უყვარს ის ლექსი, რომელიც საკუთარ მოძღვარს მიუძღვნა. მიიჩნევს, რომ „მუხა შთაგონების სახით მოდის. ლექსი რომ დანერო, ამისათვის მხოლოდ მუხა არ არის საკმარისი, ლექსის შერჩევა უნდა შეგეძლოს, შეეცადო, სიხლე შეიტანო შენი ლექსით, რაღაც ახალი თქვა, რაც მუშაობის დროს მოდის“.

აპირებს სონეტების წერას, თუმცა ჯერ არ გადაუწყვეტია, რა თემაზე იმუშავებს, ალბათ ამასაც მთავონება უკარნახებს...

უყვარს... შეიგრძნობს... ტკივა... განიცდის... ბედნიერია... ჩაფიქრებულია... ყოველივე ეს იმაზე უფრო ემოციურია, ვიდრე ჩანს... მაგრამ უფრო მძაფრად ლექსებში შეიგრძნობა... მის ლექსებს სიყვარულის გარეშე „სიტუაცია“ ღამე „მზეს“ დაეძვება და მზეში კიდევ ...

აქვს ოცნება: სოფლის შუაგულში, სადაც პატარა გორაკია, სურს ეკლესია ააგოს და კიდევ „ღმერთო, ისე ნუ წაახდენ ადამიანს, რომ თავისი მსგავსნი არსება სძულდეს...“



თონა დიასამიძე საგანმანათლებლო შეხვედრის დროს

„თუ ერთმა გაინს უიგნო რისტოვის მოვიარა მთელი კირნათი, ვიტყვი, რომ ჩემი მისია შევასრულე“

ახალგაზრდა მეცნიერთა კავშირმა – „ინტელექტი“ ბევრი ადამიანის ცხოვრება შეცვალა, ბევრ მათგანს მისცა შესაძლებლობა თავი ახალ, განსხვავებულ ამბულაში დაეხსნა. ბათუმის შოთა რუსთაველის სახელობის სახელმწიფო უნივერსიტეტის მაგისტრატურის პირველი კურსის სტუდენტი თონა დიასამიძე ერთ-ერთი მათგანია. იგი მშობლიურ თემში განმანათლებლად მუშაობს.

დღეს გამორჩეული დღე გათენდა ჩემთვის: კირნათის თემის მოსახლეობას უნდა შევხვდე და ვესაუბრო ადგილობრივი თვითმმართველობის შესახებ. საკუთარ თავზე დიდი პასუხისმგებლობა ავიღე, ახლა თითქოს მეშინია... ვაითუ არ მომისმინა ხალხმა? მაგრამ უკან არ დავიხევი! ის მისია, რაც ახალგაზრდა მეცნიერთა კავშირმა დამაკისრა, პირნათლად უნდა შევასრულო!

შინაგანა დაძაბულობამ გონებაში ათასი რაღაც ამომიტივტივია... გამახსენდა ამ პროექტში როგორ მოვხვდი: კონკურსის შესახებ თემში გამოკრული განცხადებიდან გავიგე. გადაწყვიტე მონაწილეობა მიმეღო და შესარჩევი ეტაპები წარმატებით გადავლახე. ეს ჩემი პირველი კონკურსი იყო. მიხარია, რომ არ ჩავიჭერი. დავერწმუნდი, რომ საზოგადოებაში გავრცელებული აზრი – ყველა კონკურსი ფიქტორია, მცდარია. და თუ შევძელი კონკურსში გასვლა, ეს იმას ნიშნავს, რომ საქმის კეთებაც შემიძლია. ამის გააზრებამ დამამშვიდა.

საგანმანათლებლო მასალებს კიდევ ერთხელ გადავხედე. არაფერი უნდა გამომჩნეს. ამომრჩეველს მაქსიმალურად ამომწურავი ინფორმაცია უნდა მივანდო, რათა სწორი არჩევანი გააკეთოს. „განმანათლებლობა“ საკუთარი ოჯახიდან დავიწყე. ვფიქრობ ასე უფრო გამიადვილდება მუშაობა. მართალია, „ინტელექტის“ შესახებ უკვე იცოდნენ, მაგრამ მაინც ამ ორგანიზაციის გაცნობით დავიწყე საუბარი. მერე ადგილობრივი თვითმმართველობაზე

ვესაუბრე, საკრებულოს ფუნქციებზე, მის ანგარიშვალდებულებაზე, კონკურსზე... იმიტირებულმა განმანათლებლობამ წარმატებით ჩაიარა. ახლა შემიძლია თამამად გავაგრძელო დაკისრებული მოვალეობა – განმანათლებლობა. გონების საფარჯიმოდ ყავა დავლიე და გავედი. კარდაკარ შემოვლის პრინციპით მშობლიური კირნათის თემი უნდა მოვიარო. სულ შეიდი სოფელი – მარადილი (სადაც ვცხოვრობ), ძაბლავეთი, კირნათი, ზედა კირნათი, კობალეთი, გვარა და შუშანეთი. რამდენიმე სოფელში ჯერ არც კი ვყოფილვარ.

ჩემი ოჯახიდან მირანდა კალანდაქსთან გადავინაცვლე. კარგად შემხვდა, გულისყურით მომისმინა. „ინტელექტის“ საქმიანობითაც დაინტერესდა და განმანათლებლების იდეაც მოეწონა. ასე მთელი მარადილი მოვიარე, კირნათი, ზედა კირნათი, გვარა, შუშანეთი, ძაბლავეთი, კობალეთი. . .

წვიმს კოკისპირულად... თითქოს უნდა მუშაობაში ხელი შემეშალოს, მაგრამ არ ვჩერდები. საქმე ბოლომდე უნდა მივიყვანო...

როცა არასამთავრობო ორგანიზაციას ვახსენებ, ბევრი ოპოზიციად აღმიქვამს, მისმენს, მაგრამ არც ხელს მინერს და არც კონკურსში მონაწილეობაზე მთანხმდება. პირველად ეს სოფელ ძაბლავეთში ბედინაძეების ოჯახში მოხდა. მითხრეს ჩვენთვის არაა საინტერესო... ამ ფაქტმა ისე შემანუხა... მეგონა, ზეცა ჩამოიქცა... ისიც კი ვიფიქრე, დროს ტყუილად ხომ არ ვკარგავ-მეთქი, მაგრამ გზა გავაგრძელე და სწორადაც მოვიქციე.

პროექტმა – „ჩემი არჩევანი – რეალური თვითმმართველობა“, ბევრი რამ მასწავლა: გავეცანი საქრებულოს წევრის ფუნქციებს. უფრო ღრმად ჩავიხედე თვითმმართველობის სტრუქტურაში, საქმიანობაში. დავინახე, რამდენად ანგარიშვალდებული უნდა იყოს ადგილობრივი თვითმმართველობა მოსახლეობის წინაშე. მივხვდი, ვინ

უნდა ავიჩიო. წინა მოწვევის კირნათის მაჟორიტარი დეპუტატი მთელი ოთხი წლის განმავლობაში სახლში იჯდა და თავისი ხალხისთვის არაფერი გაუკეთებია.

ამ პროექტის მთავარი ღირსება ალბათ ის არის, რომ ჩემი თემის მოსახლეობის უმრავლესობა გავიცანი. ახლა უკეთ ვიცი, ვინ სად ცხოვრობს და როგორ, ვის ტკივა, ვინ ნუხს, ვის შია... ვიცოდი, რომ ბევრ კირნათელს უჭირდა, მაგრამ ამდენი სიღარიბის ზღვარს ქვემოთ მყოფი ოჯახი თუ იყო, არ მეგონა. ახლა მეც მტკივა მათი ტკივილი... მათი გასაჭირი საკუთარ „სხეულზე შემოვიხვიე“, რათა უკეთ მეგრძნო... და დავრწმუნდი, რომ ცხოვრება უსასტიკესია... ვიცი, მათი პრობლემების გაცნობა ჩემს ფუნქციებში არ შედიოდა, მაგრამ მოსმენაზე უარი როგორ მეთქვა? მათი პრობლემების გასაგებად სხვა არავინ დადის სოფელში და ვილაცას ხომ უნდა გადაუშალონ გული, იმედოვნებ რომ არ ჩაუქრეთ... ამიტომ მოვუსმინე.

დალამდა. სოფელი უკვე მოვიარე. ბევრმა გაიგო, ბევრმა არა... თუ ერთმა მანაც შეიგნო რისტოვის მოვიარე მთელი კირნათი, ვიტყვი, რომ ჩემი მისია შევასრულე.

წვიმას სულ დავუსვლელებივარ... ამას სახლში მისულმა მივხვდი. მაგრამ არა უშავს, მე ხომ საგანმანათლებლო საქმეს ვენეოდი. ზვალდინ ჩემს ყოველდღიურ ყოფას დაუბრუნდები, უნივერსიტეტი, ლექციები... იმედს ვიტოვებ, რომ ახალგაზრდა მეცნიერთა კავშირი „ინტელექტი“ მსგავს პროექტებს კიდევ შეიმუშავებს და ისევ მექნება საშუალება, მშობლიურ თემში ვიმუშაო.

P.S. ადგილობრივი თვითმმართველობის არჩევნებმა უკვე ჩაიარა. თონა დიასამიძის იმედი აქვს, რომ მისი მუშაობა არჩევნების შედეგებზე დადებითად აისახება და ხელვაჩაურის საკრებულოში კირნათის თემიდან ხალხის რჩეული მაჟორიტარი მოვა.

თონა კაკაცია



საგაზეთო ჩანართი მომზადებულია ევროკავშირის ფინანსური მხარდაჭერით. ტექსტში მოყვანილი მოსაზრებები შეიძლება არ ემთხვეოდეს ევროკავშირის ოფიციალურ პოზიციას.



საგაზეთო ჩანართის გამოსცემს ახალგაზრდა მეცნიერთა კავშირი „ინტელექტი“

საგაზეთო ჩანართის რედაქტორი: გურანდა შანიძე

საგაზეთო ჩანართი „ინტელექტი“ მისამართი: ბათუმი, აღმაშენებლის ქ. №13 ტელ.: 41650, ფაქსი: 41640 ელ.ფოსტა: info@intellect.org.ge ვებგვერდი: www.intellect.org.ge